

湖天曉角
詞二卷

萬涵堂遺藁之一

孤子頌萬敬書

光緒辛丑仲春
長沙娛園校鐫

湖天曉角詞目

萬涵堂遺藁

卷上 嘯碧禽言 三十

五闕

蘭陵王 春陰

白苧

小梅花

醉翁操

點絳脣

春雲怨 憶梅

前調 夢梅

奪錦標

疏影 梨花

解連環 秋夜懷曾茶村

 涵詞目

夜半樂 柳絲

前調 柳絮

垂楊 花底眠香圖

珍珠簾 花魂

無悶

前調

倦尋芳

東風第一枝 題杏燕書篋

暗香 題茶村畫紅梅卷子

鶯啼序 本意

玉女搖仙佩 同申甫賞牡丹

菩薩蠻

前調

前調

調笑令

前調

錦堂春

解連環 暗茶村悼亡三闋

前調

前調

促拍醜奴兒 題梅鵲障子

念奴嬌

一萼紅 上巳郭外

惜餘春慢 本意

涵詞目

雙頭蓮令 賀友人納姬

卷下

搗雲逸響 三十四闋

梧桐影

秋夜月 出塞曲

西河 九日攜弟輔羲登雲麓寺憶癸丑與茶村偕今

別去二載矣林泉無恙風景頓殊譜此示弟兼訊茶

村江右

三臺 炎夏喜雨

戚氏 秋蛩

寶鼎現 襄陽道中避雪何氏山莊

稍徧 醉中漫興

大酺 京師元夜觀燈

水調歌頭 洞庭月午

惜分釵 驛柳二闋

前調

摸魚兒 茶村見示紅梅古柏二詞

前調 題武昌艾司馬琴鶴小照

蘭陵王 東茶村萍鄉

五福降中天 壽申甫尊人六十劇席

喜遷鶯 曾潤甫丈令分宜先德舊治也手植松篁在

馬邑人獻清徽嗣響圖茶村徵詠奉題

釵頭鳳 春草

歸國謠 秋草

前調 出都門旅店題壁

涵詞曰

瀟湘夜雨 瀟湘夜雨以下賦瀟湘入景

洞庭春色 洞庭秋月

瀟湘逢故人慢 遠浦歸帆

望湘人 平沙落雁

湘江靜 煙寺晚鐘

向湖邊 漁村夕照

湘月 山市晴嵐

湘春夜月 江天暮雪

生查子

竹香子 題畫竹筴

柳梢青 燈

滿江紅 烏夢

十二時 寄楊蓬海武岡

貂裘換酒 韓申甫之皖江錄別

前調 題吳稱三石笋山房圖

南北曲一套 附編 丙辰秋飲申甫宅看菊

右詞二卷都六十九闕附曲一套

湖天曉角詞目畢

潘詞目

受業衡山陳嘉言校訂

四十髮盒家集

湖天曉角詞卷上

萬涵堂遺藁卷一

南鄉程霖壽箕仲課

男頌
薰編校

嘯碧禽言

蘭陵王

春陰

亂雲積陰滿重簾晝寂空庭內花怯嫩寒待與番風問消息
園林翠欲滴難得徐熙畫筆惟餘那千尺柳絲都伴樓臺弄
寒碧 春光軟無力儘暗逐花飛多少狼藉海棠夜向東風
泣料一院深鎖有人腸斷黃昏金屋淚自拭此情問誰惜
羈客恨今夕聽鐵馬嘶風無限淒惻離魂何處堪尋覓只薛
荔牆畔牡丹亭北孤燈昏也恨越濶夢越窄

白苧

涵一詞

一十髮盒家集

漏聲遲篆煙裊簾櫳闌寂棠眠未起滿院輕陰羃歷望樓臺
薄籠寒霧翠如滴消息問東風可認著薜蘿踪跡撩人情思
關外游絲密密空斷魂鷓鴣嗁破塞山碧 堪惜可意人遙
怕拈紅豆句著相思舊癖賸柳綫如麻暗和愁續晴絲萬縷
又鶯梭幾箇鷓和愁織惱殺風姨慣攪花飛春恁無力伫立
斜陽目斷江南北

小梅花

纖雲沒寒煙歇深深拜罷花前月月還圓夢難圓前身悟到
空自證因緣月圓月缺年光度花落花開不知數盼春來又
春歸鶯燕無情歌舞自樓臺 長相憶曾相識天涯草色傷
心碧篆煙消鏡奩拋莫拈紅豆句恨上眉梢昨宵一夢梨雲
幻玉笛梅花已零亂遠天青曉風清相思一夜窗外碧苔生

醉翁操

樓臺春回寒梅幾枝開徘徊仙人去兮何時歸彩雲相憶天涯魂夢飛道路隔蓬萊屈指青鳥兮未來 歲華嚮暮姑酌金罍寸心苑結空見塵封玉徽紅日斜兮幽崖皓月明兮空階相思縈素懷通辭無良媒訪到碧雲隈水湄清淺應遡洞點絳唇

蓮炬燒殘茜紗窗隙蘭煙曼蒜垂簾悄細聽啼花鳥 睡起還慵慣把鴛衾靠東風好侍兒來道昨夜棠開了

春雲怨

憶梅

寒雲羃歷正雪天將霽空階猶滴悵望美人何處落寞路遙歸未得縞袂初逢紅羅曾唱舊歲檀心趁春拆風際催妝管邊含笑月子照顏色 東風一別無消息已離腸暗斷江南江北魂返香銷更難覓殢盡梨雲瘦損江風怕吹樓笛健步如逢待教移到付與箇儂護惜

涵一詞

二

前調

夢梅

相思竟夕見月明窗外花陰搖碧夢裏玉人歸也素顏較前還更瘠額暈黃低櫻含脂淺紙帳斜偎漫遮匿宜喜宜嗔如癡如醉竹倚倦無力 溪橋喚渡何曾隔憶傍徨幾度空勞尋覓天遣春嬌慰岑寂索笑今番豔曲歌殘倍增憐惜月落參橫醒時惆悵翠羽助人太息

奪錦標

驚絮依人飛英戀草節序吳蠶初浴悄悄重門未啟珠箔煙

籠錦屏花簇問魂銷幾許早寬褪朝來裙幅被春光羈住樓
臺睡味還輸棠足驚起梁間燕宿底甚喃喃似解離人心
曲悵望天涯何處塵沈朱徽冷侵華褥閣疏簾暮雨又人靜
黃昏金屋淚盈盈滴向莓苔一夜東風吹綠

疏影

梨花

溶溶素月正玉階似水花氣浮白卻下疏簾扇上重門中庭
薄露初溼鞦韆院落低飄處恰滿地都畱春色看碎英亂落
衣間蝶也嗅人香澤曾共梅花夢裏夜來誤喚醒春瘦無
力嬾殺東風愁絕春雲切莫偷吹仙笛香醪釀就花開後又
到了洗妝時節慣傍他柳絮飛飛送入晚煙無迹

解連環

酒一詞

三

秋夜懷曾茶村

扇颺初歇正羅衫暈爽早秋時節坐綠莎一徑清幽恰風過
荷叢雨收梧葉素月東升匝地上水痕涼澈盼庭柯上下一
片蟬聲入水皆白秋心數聲夜笛悵菰蒲路迴鷗夢煙隔
念別來燕子天涯待分付西風莫羈遊客寂寞江關問可有
蓴鱸消息怕寒蛩喚將夢醒竟難再得

夜半樂

柳絲

劇憐弱緒低拂縈縈惹惹牽得愁無數慣雨直風橫霧吞煙
吐蘸青染翠拖藍縹緗綠似愁春色稀疏尙勞縫補繡一幅樓
臺碧如許憶從爾日送別欲絆郎衣替儂畱住偏化作離
人情絲千縷妾心如結郎心似縛竟將兩箇相思繫來牢固

到今日遺魂尚南浦 別後無計上望夫山被伊橫路恰似
怕儂身化將去漫歸來樓上獨立渾無緒偏只見陌上凝青
處暮嵐千點迷煙樹

前調

柳絮

散花恍是天女深深款款飄得春光碎慣雨避風趨霧沉煙
起溼苔暗惹寒沙靜掠乍黏遊子衫羅便添溫意願挾纈恩
周萬家被 大隄十里路側鎮日紛飛鶴翎鷺毳看信手拈
來誰家癡婢蜀中綿也吳中紵也好教糝入春衣緼無嗟做
抵簾外春寒錦袍賜 恰向朝日襖被黃綿煖烘烘地待向
午風來萬花墜拂闌干迷却陌上青驄騎棲託處切莫沾泥
水色空從此禪心契

詞

垂楊

花底眠香圖

花陰醉臥任碎紅亂落滿身堆煤暗地香凝蝶兒飛向人衣
坐擡身怕被風掀簸再安睡片時差可聽流鶯嬌語斜陽問
夢兒甜麼 頭上飛來幾朵似簪入鬢雲一般安妥弱不勝
春柳眠風際嬌無那渾身一片香包裹攬衣起寶釵斜墮歸
來帶得餘愁紅袖鞦

珍珠簾

花魂

靚妝斜倚雕闌亞影姍姍和月歸來林下風颺綺羅香被柳
絲牽惹十里樓臺春遠近要問那三生真假如畫恁解語含
羞倍添姚冶 憐爾若卽還離正無情有恨纖腰盈把醞釀

出精神總慣耽驚怕惆悵金鈴誰護惜况紙帳寒生遙夜難
寫這一種風情十分蘊藉

無悶

金鴨煙濃篆出一段九曲腸中愁緒正夜靜簾閒月輪纔吐
欲向姮娥低訴合倩那小心風傳語又怕窗外鸚哥竊聽
欲言還住無據半是酸半是苦半是才情貽誤驀然惹起
懊惱幾許望斷綵雲何所又聽得烏囀天方暮可有箇分割
人兒待儂夢裏說與

前調

何事東風攪得一陣瀆翠殷紅花墜漫倚徧迴闌鞦韆殘慵袂
且放羅幃偷睡切莫把玉鉤兒鉤起怕只怕遙夜春寬夢窄
總孤鴛被休對上有天下有地又有慈悲南海也須念我

滴一詞

五

瘦損乃爾但願此身來世了卻箇三生相思債再不要憐我
憐卿共生極樂世界

倦尋芳

斷虹臥水殘照穿林山磬搖暝樹葉紅流霜氣半天明淨暮
靄蒼茫鴉數點晚風蕭瑟蛩三徑漸朦朧看銀蟾乍吐素娥
妝靚快酌酒舉杯邀月同醉花間還對孤影雁塞雲橫玉
笛倚樓人靜籬菊西風簾正捲海棠秋睡闌猶凭乍霜華漬
人衣暗添新冷

東風第一枝

題杏燕畫簾

絳蠟香凝烏衣客到玉樓人醉春晚似聞馨吐瓊林髮鬢豔
分內殿銜泥歸後驀禁受枝頭風軟看玉翦翦破籠煙照出

畫闌痕扁 描繪出露深霧淺紛點綴障塵素扇怪他鬪草
庭前誤汝探花俊眼商量花信乍款約牆東頻見怕舞餘疊
損丹青須共茜衫同檢

暗香

題茶村畫紅梅卷子

暗香凝結認一枝瘦影伊誰偷折夢醒玉堂勻點臙脂染嬌
鬢疑是黃昏院宇赤霞落低黏殘雪倩妙筆招得香魂纖影
怯寒月 嬌絕正盈捻記素瑟夜樽共君歌闌小屏恨隔拖
逗猩紅舊愁色妝額明朝換也噴玉豔尙烘簾側但怪那春
信早恁禁露洩

鶯囀序

本意

鬪一詞

六

天鷄數聲唱曉漸晨曦射牖露華冷風入疏林暗將春意噓
透乍聽得新鶯百轉高低一片宮商奏韻沈沈窗岫青凝鏡
潭波皺 喚紫呼紅病裏夢醒正嚶鳴翠柳抵多少歌舞樓
臺玉微檀板齊扣最關情芳辰麗景也應讓幽人生受但休
教思婦愁聽累伊消瘦 遠西到未暗斷驚魂掃愁奈之帚
況又是鷓鴣囀別燕子傷春怨訴鸚哥伴呼鳩婦雙鴛欲刺
修蛾先覺相思何計能消遣倩提壺貴得屠蘇酒曹騰醉也
憑他巧舌饒來肯教我乍醒否 春寒日暮樹遠煙深又幾
番弄口賺客子興懷鴛侶盼斷鸞戩怕見歸鴻怯聽烏臼看
看平直到鐘鳴蕭寺風前催得明月出那時間花底酣眠久
空階人悄無聞但見疏櫺一燈若豆

玉女搖仙佩

同申甫賞牡丹

仙春館啟富貴花開髣髴移來瓊島笑倚東風如仙如夢昨夜宿醒醒了訝靚妝偏早看紅畱一捻朝霞籠罩恰贏得渾身馥重似怯閒庭捲簾人到憐離別經年寂寞雲英瑤臺月悄猶記夢傳綵筆欲寄朝雲好待書來情抱錦幄春殘斜陽如醉認取香魂嬌小但願花長好恁低裙曳佩娉婷仙貌肯教爾杯承露冷美人遲暮燕鶯唬老不須惱東風解得恨多少

菩薩蠻

靈媧補卻情天縫畫屏深鎖歲華夢借得黑甜鄉恰容儂與郎高唐春未醒儂在巫陽等故意學棠眠賺郎高燭然

前調

涵一詞

七

闌干立久羅衣薄東風陣陣來香閣搖響到簾櫳乍疑郎覓儂風前頻細語肯立調鸚鵡欲倩喚郎歸郎歸渾不知

前調

請看今夜娟娟月多情照到郎和妾圓鏡挂心前月圓心更圓影排金鳳侶天也教人聚私語怕姮娥妬儂歡會多

調笑令

紅豆紅豆鎖日慳慳消瘦鷓鴣又慣宵唬不管離人淚垂垂淚垂淚羞被人知佯睡

前調

香燼香燼捱過閒愁一瞬倩人推起蘭窗妒殺飛來燕雙雙燕雙燕卻復將人依戀

錦堂春

蘭麝香溫寶鴨銅龍靜數更魚吟秋刻徧相思字涼露下庭
梧 含淚花嬌欲語離魂蝶化難呼深閨寂寞無人見明月
共儂孤

解連環

啗茶村悼亡三闋

夜來風惡歎名花並蒂怎禁摧剝料此時慘絕離鸞已腸斷
漆園痛深潘岳碧落黃泉可能遣鴻都尋著便重圓月缺不
任蓬山隔斷黃鶴 拈花縱歸大覺奈嬌雛失乳從此誰託
料定有無限心情恁將逝還藕未忍拋卻絕粒頻番剗不斷
塵緣牽縛直捱來砌蘭遠菱院梅竟落 君夫人既逝後
蘇十日方暝

前調

詎無靈藥奈丹顏莫駐竟離香閣憶客秋語雨聯牀訝炊白

涵一詞

八

北符夢徵殊惡

去秋茶村宿余齋
中夢與夫人永訣

粉褪香銷賸遺挂空帷蕭

索歎芳容竟渺渺暗惹孫郎涕淚空落

它生更難料度只鱣

眠未穩霜閉簾幙便夢裏無限周旋奈醒

平後思量未定逢

著福慧難兼信命註紅顏多薄被瑤池召將去也駕鸞控鶴

前調

綵雲寥邈問綿綿此恨怎生拚卻況者番夜雨聞鈴恁寒襲
錦衾冷侵珠箔背燭鴛鴦認遙夜芳魂如削怕尖風剗斷影
事匆匆總是飄泊 慈幃怕看淚落更髮兒啜泣腸斷如斬
縱豔魄飛入星寮已橋斷銀潢莫召烏鵲待倩香山把長恨
歌兒重作恨消時地天並老巨溟盡涸

促拍醜奴兒

題梅鵲障子

樓笛情誰吹春信早恰逗南枝玉人和月歸來也芳魂一縷
尋尋覓覓悄立雲湄 鶴去幾曾歸只青鳥猶及花時羅浮
好夢人醒也但聞一片啁啾喞喞爲報佳期

念奴嬌

綠楊如綫被東風低櫺綺櫺愁思萬縷情絲無着處鎖住春
山眉翠寶鼎香殘銀釭影淡獨坐心如醉錦衾猶是昨今寒
暖偏異 翻道昨夢能憑闌宵闌枕連夢都拋棄惱煞更長
如歲永錯把更籌頻記卻到朝來窗前對鏡依舊淹愁淚羨
他梁燕竝飛同展雙翅

一萼紅

上巳郭外

碧無痕遍川原遠近都是一團春吹笛樓臺賣餠門巷凝成

涵一詞

九

煙景二分可知道金錢會裏醉倒了多少玉樓人芳樹籠鸚
粉絲黏蝶歌舞都新 載酒吹香亭畔恁遙峯羞黛遠水拖
裙暖翠鳧汀環青雉壘描來圖畫皆眞梳掠出風鬟霧鬢怕
六朝金粉費精神依約鬧春新句寶絡香塵

惜餘春漫

本意

暮暮朝朝風風雨雨把箇春光捱了籬花颯水閣絮兜煙都
似者般牽繞贏得香消粉殘如許繁華送將昏曉算年年惟
有銷魂時節賺人多少 儂待把離緒全芟情苗私掐樹着
忘憂葠草停驄舊陌倚空廊冷暈莫將苔掃簷際空餘雨
絲難倩繫春將春畱好恁相思滋味天涯人遠有誰知道

雙頭蓮令

賀友人納姬

隴頭春信到梅花
花放是雙葩
東風送上七香車
臣里豔東家
黛描新月靨
勻霞仙樣不爭羞
含羞慣倚繡幃遮
時礙髻雲斜

酒一詞

十髮盒家集

湖天曉角詞卷上畢

湖天曉角詞卷下

萬涵堂遺藁卷二

甯鄉程霖壽箕仲讓

男頌薰編校

搗雲逸響

梧桐影

月缺時花空發今夜月圓花正紅紅從萬點花閒月

秋夜月

出塞曲

沙平如雪野茫茫天黯黯暈生寒月白草風吹低處見牛羊
脊列瓊帷張蠹幕冰堅土裂涼颼夜吼餓鷹宵擊邊聲淒
咽慘胡笳悲畫角望鄉情切帥府寒森刁斗凍旂風掣馬鳴
時塵起處雄師赴敵凱歌聲裏唱回春色

西河

酒二詞

一十髮龕家集

九日攜弟輔義登雲麓寺憶癸丑與茶村偕今別
去二載矣林泉無恙風景頓殊譜此示弟兼訊茶
村江右

憑眺處山川滿目如故天風盪得日光寒澹雲未雨翠巖萬
木漸知秋秋山猶欠紅樹雲麓外回首顧寒鴉逐隊爭舞
來登絕頂盼長江一航快渡古今萬事繫心頭蒼蒼相對無
語只今到此念故侶悵年來江右羈旅料也者番延伫立
孤峯目極天涯路一片斜陽關山暮

三臺

炎夏喜雨

正炎歊蒸鬱萬里颺風霎時收定看墨雲成陣蔽天來近郊
甸樓臺如暎芳園內烏雀聲俱靜萬樹間纖無搖影料空際

河漢將傾駐飛龍絳霄潛等 乍旬旬天鼓振響掣空鏡光
輝映送雨聲傾注勢翻盆濺池面跳珠圓瑩荷深處潑得鴛
鴦醒翠漲中羣魚遊泳問何事窗北酣眠汰煩襟畫闌須凭
望樓頭簷溜尚滴復聞竹梢風勁澹暑威天氣換清涼大
千界塵埃淘淨須臾聽碎磔聲相應霧障消長空清迥倚筇
盼山翠濃添露斜陽又舒虹景

戚氏

秋蛩

甚幽情秋來噓出萬千聲露冷階空月高天靜夜三更悲鳴
似難平荒邨響答不分明俄乘院落風起攪成商籟滿前庭
度去樓角穿從窗隙漸聞四壁冷冷便蕭蕭瑟瑟酸楚嗚咽
無限淒清 彌望腐草平陵哀語斷續落葉又飄零音流處

涵二詞

二

悄和雲墮冷帶煙橫更交并玉漏暗地琤瑤勝似夜雨聞鈴
襍將戍鼓助起邊笳那管羈客心驚 獨立頻回首關山萬
里一片愁縈恰把離腸代訴驀魂銷似醉復如醒況兼枕畔
傳來幾宵慘聒清夢應難竟甚一腔哀怨成悲哽剛危坐孤
對燈檠又怎堪起舞重聽待鄰鷄唱得曙光生眾音纔歇惟
餘曉月幾眼晨星

寶鼎現

襄陽道中避雪何氏山莊

凍雲橫嶺萬木僵立高空如嘯看刮地驚沙飛走灌莽凝陰
嗥虎豹碎一夕斷冰堆山峪寒氣千尋料峭暗助起羣龍競
鬪滿地齊拋鱗爪 一霎飛雪瓊花繞白茫茫光映堂奧聽
設設松濤怒卷廊角還驚敲翠篠歛破凍喜梅梢春逗剛待

吟詩索笑問大塊何來噫氣卻把詩心碎攪 鐵馬驕嘶窗
隙處紅搖燈小恁貂裘羊酒浮炭金爐滿燎尙自怯冷侵懷
抱直待晨曦曜始破卻天地巖凝息過崑崙萬竅

稍遍

醉中漫興

歌也有思哭也有懷塊壘胸中聚欲澆愁且自酌屠蘇奈樽
前又添愁緒棖觸處千秋一番悵望一番零涕紛如雨嗟涿
鹿興戎蚩尤首禍殺運遂成今古泊長平坑卒慘何如又赤
壁塵兵問何辜蠻觸交爭鵝蚌相持盡湮黃土 吁造化乘
除世人那得知其故誰實階之辰將生靈肆剪屠恁白骨成
堆天都不管休言仁愛天心普空鏡掣文英車驅律令偏將
元惡輕恕怪跳梁跋扈竟逃誅翻碎柱轟碑計何疏者沈寃
眞宰須訴敢將不平之氣泣向西風吐女媧何在情天有缺
更有誰人能補今宵痛飲且傾壺看老蒼作甚區處

大酺

京師元夜觀燈

看月如花花如霰無數明珠如綴星毬如燦錦放光明如晝
又如晝裏如入鮫宮如遊蜃市如到蓬壺仙界笙簫如鸞鳳
更歌如玉曼舞如花墜望塵起如煙馬如龍也車如流水
遊人正如蟻繡幢引如簇霓裳隊宛一樣金吾不禁士女如
雲問何如開元唐代香風送如許飄颺處如蘭如桂者才是
春如海教人惆悵如夢如癡如醉有情恁能遣此

水調歌頭

洞庭月午

攜得漢江酒滿醉洞庭秋洞庭今夜秋色都載入扁舟一片
琉璃盤內髣髴湘妃低舞還蹴水晶毬萬古一圓鏡照見幾
人愁 人間世名利客幾沈浮浮雲富貴滋味於我澹如鷗
綠水蒼山不改碧海青天無恙逝者視浮漚一洗古今恨都
付與東流

惜分釵

驛柳二闋

長安驛曾攀摘數聲慘咽聞風笛眼兒嬌黛兒描一瞬天涯
兩地魂銷迢迢 春風碧秋霜赤樹猶如此堪憐惜渭城高
玉關遙一搦腰肢記取林梢條條

前調

腰如束眉如蹙茜痕暗襯征衣綠絮離離緒垂垂絆住愁儂
縮定相思絲絲 陽關曲歌聲續綫長難繫行人足暮鴉棲

涵一詞

四

曉鶯嘯小婦城南別夢遼西依依
摸魚兒

摸魚兒

茶村見示紅梅古柏二詞

倩紅牙譜成仙籟天生當代情種非關綺語誇工麗香草美
人多諷憑巧弄奏一曲歌聲唱破千林凍花開半隴向風雪
叢中倚聲吟繞立處絳雲擁 高吟者只道梨雲有夢誰憐
蒼幹孤聳聽君綽板敲殘後陡覺翠光浮動聲價重休說是
輪囷材大難爲用須勤灌壅仗造化神明扶持正直大厦要
梁棟

前調

題武昌艾司馬琴鶴小照

望茫茫大江東去腥風吹浪成雨腰間寶劍新磨出刺盡碧
鯨無數憑眺處憶鶴唳驚餘又換鴻嗷苦瘡痕未補歎巖邑
絃歌楚宮琴瑟盛事渺難覩危磯畔當日胎禽刷羽何人
曾降鸞馭仙家踪跡難重到玉笛落梅如許兵燹遽君不見
飛樓一炬憐焦土臨風弔古待佛子琉璃琴調一曲再引鶴
來舞前賊陷武昌黃鶴樓竟燬於燹

蘭陵王

柬茶村萍鄉

自君別彈指俄經數月知心是秋魄一輪可惜纔圓又還缺
蛩聲耳畔聒淒切離襟鬱結還聞得孤雁唳雲惹起愁人暗
切怛憑誰慰飢渴恁月落梁間風起天末纖鱗不度秋江
濶記話雨蕭寺餞春卮酒風流班尹已暫歇又攀桂時節

酒二詞

五

歌闕正三疊祝旅寄平安心字香燕離愁萬點霜林葉儘目
斷雲樹寸楸難說相思何處石姥外秀水咽

五福降中天

壽申甫尊人六十劇席

祥雲萬朵垂天上紛紛眾仙來下豔茹紅芝英餐碧柰石髓
瓊飴斟罷金嬰翠睨早南極星輝錫公純嘏見說來朝赤旂
朱路正迎夏元靈仙調弄響更旋娟袖拂香噴蘭麝弄玉
吹簫飛瓊擗管妙舞清歌良夜風流豔冶恰四座無言滿庭
花亞大白浮來絳霞觴共瀉

喜遷鶯

曾潤甫丈令分宜先德舊治也手植松篁在焉邑
人獻清徽祠響圖茶村徵詠奉題

鈴江春到恰依舊笑春桃花開了野雉攜雛庭鳳翕羽簾幙
晝垂人悄暇日一琴撫弄隙地三弓幽窗早記取有封翁手
植當年林筱江表知不愧生佛萬家清白遺徽紹鶴唳驚
餘鴻噉集後何止愛棠思召揮扇仁風遠拂啜茗清風盈抱
待合傳紀循良濟美丹心同照

釵頭鳳

春草

莖抽碧華敷赤茜痕低印行人屐東郊路西洲渡恁般春色
忍教拋去住住住蓬門寂苔階窄踏青猶認弓鞋迹黏裙
露迎鞭霧天涯迢遞可人何處誤誤誤

歸國謠

秋草

涵二詞

六

芳草碧舊日送君情脉脉西風吹老邊庭白王孫一去無
消息傷秋色天涯萬里長相憶

前詞

出都門旅店題壁

行且住芳草萋萋天欲暮東風吹綠長亭路離腸一段渾
難訴無言處斜陽馬首頻回顧

瀟湘夜雨

以下賦瀟湘八景

瀟湘夜雨

潮暈天寒風吹雲碎湊成一片淒其菰蒲蹊路盡迷離恁助
響敲殘岸竹看颭影愁殺江蘼空灣暝樓星半滅野勢全低
孤舟人聽枕邊瀝離思天涯黯漁燈初上冷被寒欺渾
莫辨連江楚岫聽不似水閣吳姬湖天遠風和別夢吹過洞

庭西

洞庭春色

洞庭秋月

霧散天空露橫波闊月夜泛舟正魚龍眠穩驚聞鐵笛馮夷
潛舞拋出晶毬冉冉湘靈攜瑟至並邀住姮娥須暫畱絃徽
外有冷泠爽籟飛入涼秋 乘鸞醉仙待訪看倒影百尺危
樓正倚闌無際雁和人遠乘槎何處水拍天流夢向蘆花清
淺處趁兩槳歸來招鷺鷥醒時節有江流九派淘盡詩愁

瀟湘逢故人慢

遠浦歸帆

西風江上看征鴻又到人不同歸見孤艇如飛料中有人兮
果是耶非衡峯九面被遮處湘轉帆隨待分付雁奴前去好
教及早迎回 相逢喜攜手去認家園舊時苔巷荆扉悵幾
度睽違已洲橋全黃江蟹都肥浮名誤我問京洛奔走何爲
回頭處暮濤洶涌怪他舸艦津迷

望湘人

平沙落雁

趁西風萬里飛過洞庭半江煙暝無路暫別雲霄暗尋斷渚
怕向蘆花深處白露招停野鷗畱宿天然賓主笑浪花偏自
多情盪得圓渦貽汝 猶記年時北去恁畱來指爪此間曾
住歎雲水天涯又見歲華遲暮衡峯澹遠可能飛度望斷蒼
茫煙雨待到了楚塞春回此際歸期休誤

湘江靜

煙寺晚鐘

韻滿湖天霜氣冷逗寒雲數聲搖暝風淒梵宇烟疑縹瓦料
歸鴉棲定幾杵恰聽殘禪心似碧湘波靜秋高氣爽天空籟
孤纏綿處意俱永 月正朗人正醒動秋心畫樓須凭長河
乍轉天青未了但鴻雷纖影盼到古松邊偏孤鶴露涼還警
秋光縱老吟情未減臨風嘯詠

向湖邊

漁村夕照

醉老楓顏烘乾蘆絮射影一灣流水隔岸人家認垂楊門對
聽晚風吹起漁歌聲聲高唱唱出橘洲風味比戶炊煙墮前
溪空翠 旋網鱸魚細飲銀絲膾頻顧問稚子沽村醪歸未
荻火吹殘且傾杯沈醉有東船西舫成歡會前峯暝殘照一
泓鴉影墜倦眼書騰向篷窗酣睡

湘月

涵二詞

八

山市晴嵐

林巒初霽正晴光縹緲全迷街陌空裏青痕搖不斷人物一
重紗隔隱窳疏簷低黏縹瓦逗入層霄碧炊煙遙合碧霄還
暈虛白 彌望店列青帘樓開朱箔掩映都無迹翠靄隨風
舒又卷界出蔚藍天色幻欲成雲輕還託霧蕩漾春無力神
鴉飛過一痕微蘸新墨

湘春夜月

江天暮雪

被廻風半空搏出飛翼恰似一夜梨開空際萬花迎料得老
梅春透定有人尋到踏碎瓊瑛望白痕匝地還疑夜月雷照
前汀 風欹短笠篷腰束暝孤酌寒生色相全空還認是縞

衣仙子攜伴湘靈詩心似水勝灞橋驢背吟情遠眺處認依稀
稀去雁衝開絮影飛上青冥

生查子

歲歲搗寒衣砧杵秋霜肅妬般浣溪邊鷗鷺雙雙宿 君夢
錦江頭妾夢陰山曲夢裏亦何言願化連枝木

竹香子

題畫竹筴

寫就浮筠瀟灑个个沒些俗態高柯似有鳳將來鎮日虛心
待 輕颺便動爽籟算座中逸友都在須知居士自圓通勁
節依然不改

柳梢青

燈

酒一詞

九

皓月將沈蘭膏吐燄影掠書林歡裏成花愁時作燼恁地知
心 追陪廿載光陰卻不道遷延至今耐盡簾風照殘臙雨
伴我沈吟

滿江紅

烏夢

一味曹騰渾不管春光多少鷲逗入南柯真境曠然深窅卯
累無愁驚木末魂飛直欲趨雲表問黑甜滋味正何如機心
了 真自在歸林杪大解脫誰驚覺任山花開落樹枝榮槁
化去儘應同蝶幻醒時又慣攜雛噪便向人如說夜來寒天
方曉

十二時

寄楊蓬海武岡

送君時暮春天氣南浦流波如雪激萬派離聲嗚咽瞬息征帆飄瞥望裏關河頽霞殘日染就銷魂色無限意水遠山長暗撫濁醪聞唱停雲淒切 捱過些蒲風荷露又是桂華時節料得錦囊應添麗句一半歌離別怕月明夜永還傷故人隔絕 那更堪無情魚雁幾度音書長缺敗葉敲詩疏鐘警夢暗牖籠虛白待詰朝蚤起攤箋細述饑渴

貂裘換酒

和韓申甫之皖江錄別

慣把萍蹤說記年時燕山楚水朔風狂雪喚渡黃河水浪湧臥看蘆溝曉月還醉聽琵琶歌闋京洛緇塵襟袖滿奈塵寰寬大名場窄歌慷慨五中熱 狼烽焰照吳江澈正男兒英姿颯爽請纓時節猿鶴蟲沙成底事旁午軍書復疊更莫唱陽關愁結百戰雄心君記取掃妖氛不使金甌缺從此去莫傷別

前調

題吳稱三石筍山房圖

拔地撐奇崛是何年驚雷裂石筍生巖穴背負霜華山萬仞面立諸峯啐帆還倒影空潭明澈遙指山房雲樹裏聽明蘭古寺鐘初歇溪水盡釣明月 幽人意境何超越念家山摹圖作記蒼成三絕名士原無蔬筍氣何似饑坡咀齧任竹長交爭滕薛他日老歸林下後看三生石畔龍孫茁頭角見更英傑

南北曲一套 附編

丙辰秋飲申甫宅看菊

北新水令 曉風寒峭入疏籬碎秋心散金滿地天光三徑仄
霜影四圍低便不傾危恁餐英也索使人醉

駐馬聽 白露微稀老圃秋容真淡逸蒼煙暗起名園暮景總
離披香魂瘦損一絲絲斜陽攪入渾如醉珠簾怯捲時立西
風恰有個人兒比

沈醉東風 曾記得舊年間繁英滿砌經燹後蔓草纏籬教屈
子動離愁惹杜老牽秋思每黃昏風寒雨細最堪憐飄零無
數蕪長一畦花猶如此把無端懷舊閒愁逼起

雁兒落 今日裏對園林景物依稀勝似那同置酒重陽會我
是個耽吟臥病身應服這輔體延年劑

得勝令 況有箇新雨舊雨隨彩筆兒爭題詞彭澤忘言侯樊
川欲笑時西馳澹夕陽霞烘綺束欹籬花影月上籬

酒二詞

十一

喬牌兒 恁金英紫萼萬朵兒簇筵際合倩爾品格兒清奇相
伴俺幽人無別離

甜水令 你看和霜伴月披煙沐雨名擅五美貞秀抱幽姿算
一部羣芳只金鳳兒稱婢僥倖到帝女追隨

折桂令 堪笑他桃花當路柳絮迎隄霎時間紅雨爭飄到頭
來黃葉紛飛問苑枯因誰休錯怨軟兜搭的春風賺將伊都
只爲全無根柢空落得過眼芳菲四野風淒五夜霜欺始見
黃華獨秀幽蹊

錦上花 歎萬物芸芸誰懷遠志這麗草英英也笑人癡則索
要餐過寒香苦味便共逐西風總無萎瘁句消了紅情收還
了綠意抱異香晚節堪支莫笑他折金裁雪隱逸風規這故
人久已比德如君子

碧玉簫月影頻移逸興遄飛際夜色全迷花映燭光裏生怕
爾白衣人送酒遲譜作彈詞傳來眞意莫道俺有淵明癖
鴛鴦煞明年九月花正美相期再續登高會有約莫來遲糕
兒題螯兒擘釀兒醉只願黃花冒雨的發門外催租不至風
過時帽兒落矣須插來滿頭花看雲外雁飛起

湖天曉角詞卷下畢

涵二詞

二十髮齋家集

